

Higher Secondary School Certificate (HSC) Form Purun Reak' Okto Arho~ Dherena

Ne~s ren HSC pa.t.hua.koak' form purun reak' okto arho~ mit' dhap d.herakana. Nawate emakan somoysuci lekate 26 July dha.bic' form ko purun dar.eak'a. Ar 27 July dha.bic' fee/- ko em dar.eak'a.

Calaoen Lukhibar (14 July) Dhaka sikhna.t board ren bida.u n'el jujutic' S M Amirul Islam ak' suhia.t a.pis reak' batlao lekate noa khobor bad.ae n'am akana.

Ne~s ren HSC pa.t.hua.koak' bid.a.u do 22 August ehop' dar.eak'a mente sarkare nit. akada. Menkhan SSC bid.a.u a.uri hoyok'te nit. akan oktere bid.a.u hoyok'a se ban' nit ho~ pust.a.ute ban' menogok' kana. Ente nia.kin bida.u talare ko_m se ko_m bar cando leka jira.u reak' okto dohoe ja.rur. kana.

Bar Din Reak' Phut_bol Khila_d_reko Jita_uena Amnura Mission Phut_boll Team

Calaoen Sombar ar Mon'golbar (11- 12 July 2022) BautiaNarayanpur Youth club-ak' bondoboste bar din reak' phut_boll khila_d. haparao do hoe pura_uena. Nia. phut_boll khila_d.re 16 got.en do_lko selet'lana.

Onko modre muca.t' dha.bic'te bar do_lko t.ika.u tahe~lana. Mit' do AihaiRahi Phut_boll Team ar Amnura Mission Phut_boll team. 12 July nukin bar team Final enec'rekin selet'lana.

Ar ra.ska. khobor do noage, AihaiRahi phut.boll do_lko bhagaokate Noa khila.d. haparaore Amnura Mission phut.boll team ko jita.uenā. Ar onkate pa.hil uta.r kur.a.i (prize) ko hamet.jon'ana. Ar Pa.hil prize hisa.bte Amnura Mission Phut.boll team do 16000/- t.aka Ko n'amkeda.

Mit't.en Lubhia. Kisa.~r. Hor.

Mit't.en lubhia. kisa~r. hor.e tahe~kana. Ackag mit'din mit't.en pori (Fairy) n'amkedeā. Enhilok' uni pori do muskilre par.ao akan tahe~na. Uni Pori ak' bo_ho_k' up' do dare rehet're at.akaolentaeā. Ado uni lubhia. hor. do pori gor.oae ban'kate uni t.hen ac'ak' sana se kukmu pura.utae la.git'te khojkeda.

Ado pori t.hene khojkeda jemo_n, ja~ha~t.ak'gen' jotet.' onage sona hoekok'ma. Khange pori ho~ uniak' kathae he~k' ada. Ina.kate uni hor. noa bhage sombat ac'ren ba.hu ar gidra.tae la.i ha.pa.t.in'akina mente or.ak'e mohnd.ayena. Cedak' je, nonkan a.sirbad pori emadeā ar bae bilom dar.eada. Onate harephare mohnd.ayena. Khange da.r.ate n'ir calak' kana ar horre tina.k' dhirikoe n'amet' sanamak'e jot.et' toraeda. Ar pori ak' katha leakage sanamak' do sonak' kana.

Or.ak'e set.eren khan kur.i gidra.tae ac' baba n'elte da.r a.gukeda. Adoe he~okede khan uni ho~e sonayena. Ina tayom lubhia. hor. ac'ak' bhule an'goc'keda. Ar nonkan ka.mi kha.tir bogete mon dukena are kastaoena.

Sikha.una: Sa.rige lob-laloc' do ban'ge bogea, ente noa lob-laloc' doe jarkharmeā.

Nu´ Bul Babawak´ Hor.mo Ten Tey Goc´ena Pe_ Cando Ren Gidra_

Ponchogor Atwari upjila_ reak´ mitt.en ghot.na. Noa ghot.na do a.d.i bhabna reak´ kangea. Ente Somapti Hasda n´utuman Pe_ cando ren mit´t.en hud.in´ gidra_ ac´ babawak´ hor.mo ten tey goc´ena. At.hwar hilok´ (10 July) upjila_ reak´ Bolorampur union reak´ Dohsur 1 no ward re a.diva.si santal atore noa ghot.na ghot.ao akana. Uni gidra.ren babawak´ n´utum do Suniram Hasda.

Atwari thana ren Sub Inspector (SI) Sahin Al Mamun doe bad.ae ocokeda je, Enhilok´ n´inda_ uni gidra.ren en´gat do pa.t.ia_ at.et´ kate gidra_ saõ latare gitic´ena. Mit´ jokhen gidra.ren baba Suniram hec´kate gitic´ente ja.pit´ akat´ okte ackage gidra_ cetanre n´urha.yena. Khange uni hud.in´ gidra_ doe ten goc´ena. Bad.ae n´amena ban´ma, Suniram do n´u bul akane tahe~kana.

Atwari thana ren bharapon a.piser (OC) doe bad.ae ocokeda, uni gidra.wak´ gujuk´ re gharon´j sec´ khon jahan na.lis (ovijog) do ba.nuk´anan´. Onate noa ghot.na Babot thanare mit´t.en opomritur (UD) mamla do em akana.

Source: banglanews24.com

Barea Gate Kor_ awak´ Go_lpo_

Barea gate kor_a ha~ha~kar hortekin calak´kana. Ado tala horre

thor.akin jhogr.ayen khan, mit' gate do et.agaic' gate thapa
got'kede. Khande thapae jomket' gate do, gitilre olkede: tehen'
in'ren gate thapakedin'a.

Ina.kate sanamak' hir.in'kate arho~ tar.amkin dhura.uen. Khande hor
ar.ere mit't.en jharnakin n'amkeda. Ado bana paromok'kin po_rto_keda.
Menkhan uni thapa kedeic' gate do paerak' bae bad.aekan tahe~kana, ado
jan'ga len'jet'entaete dak're unumok'kan tahe~kana.Ado et.agic' gate
do uni ban'caokedete jharnakin paromkeda.

Ado onkage uni gate ho~ dhiri danderre olkede, gatetin' tehen' gujuk'
khone ban'caokeden'a. Ado gatetae-e kuklikede, pa.hil ma gitilre,
nia. ma dhirirem ol cikhna.ket'a. Cedak' nonka dom olket'a?

Adoe ror. rua.rket'a, kha.t.ige thapakeden'am noa do jahan maran'
ghot.a ban' kana. Menkhanem ban'caokeden' noa kangea maran'ak' do. Noa
kathage hor.ko saman're jaejug t.ika.u tahe~kok'ma. Ba.r.ic'ak' ko
ban' moneak' hoyok'a. Ar noa porcar katec'ho~ cet' bha.la.ige
ba.nuk'anan'.

Bhage bhage katha ar ghot.nako disa. dohoe hoyok'a. End.ekhan et.ak'ko
ho~ nonkage bhage ka.mireko lahak'a. Sa.rige ka.t.ic' ka.t.ic'
dukanak' kathako monere ban'bon rebet'ma. Ra.ska.wanak' kathako monere
baha mala leka gathaokak' hoyok'a. Ja~ha~e hor.e upka.rlem khan onage
disa.ekak' ja.rur. kana. Nonkate et.ak'ko ho~ akoak' jionre bhage
ka.mire udga.uko n'amjon'a.

Tehen' Do Got.a Dha.rti Ma.nmi Son'kha Ma~ha~

Tehen do Sombar (11 July). Ar tehen' mit't.en bises ma~ha~ kana.
Metak'me Got.a Dha.rti Ma.nmi Son'kha Ma~ha~ kana. 1990 serma reak'
teneh'ak' din 11 July re are ge_l (90) got.en disomre pa.hil ma.nmi
son'kha Ma~ha~ko manaoket'a. Ado un khonak'ge got.a disomre Ma.nmi
son'kha Ma~ha~ko manao a.guiet' kana.

Ban'gladisomre Gel sermare mot.re bar karor. hor. se ma.nmiko

d.herakana. Ja.tikoren baba Bon'go bondhu Sheikh Mujibur Rahman ak' ja.hi~t se kurumut.ute 1974 sermare pa.hil hor. lekha do hoelena. Un okte disomre hor.koak' son'kha tahe~kana 7 karor. 15 lakh. Ina.kate 1981 sermare tahe~kan hor.koak' son'kha 8 karor. 99 lakh, ar 1991 sermare do 11 karor. 15 lakh, onka leka 2001 sermare ho~ lekha lekate hor.koak' son'kha tahe~kana 13 karor. 5 lakh. Ar 2011 sermare lekha lekate, noa disomre 14 karor. 98 lakh. Enreho~ hor.koak' son'kha do lekha baher metak'me noa khon ho~ d.herger menak' bar.ako.

N'elkeda bon je, sa.rige disomre ba.i baite hor.koak' son'kha tina.k'gan d.her akana mente. Menkhan enreho~ korona mahama.ri kha.tirte nit. akan oktere bar serma tayom calaoen 15 June khonak' disomren hor. lekha ehop'ena. Ado digital nia.mte hoyok'kante nia. dhao do a.d.i algate nebetar jugren hor.koak' son'kha bad.ae n'amok'a. Ar pust.a.uk'abon se sanamko bon bad.ae n'ama nit tina.k'gan hor. noa disomre menak'bona mente.

Meskoc'

Meskoc'

Chin doye menet' kana-

Ale disomre setako skut.i ga.d.iko calaoet' kana.

Onka leka America ho~e mengot'keda-

Ale disomre ho~ co_pusi ko pon ca~k ga.d.iko calaoet' kan.

England ho~e menkeda-

Ale disomren ga.~r.iko ma jahaj ko calaoet'kan.

Onkage Bharote menkeda-

He~, sanamak'ge bogegea. Menkhan cedak' nuna.k' hahar.a do?

Ale disomren gadha ma disomko a.yuret'kan.

Santal Hopon

Abo kanabon santal hopon

Menak'bona nit ho~ nacar

Et.ak' ko mako hoyen roton

Tis adobon bud bica.r.

Olok' par.haok' se~r.a kate

Udugok' kanbon in' do okoe

Ba.nuk' tabona mit' jhukate

Sa~ota tabon doho rokao.

Hudis kate lahak' mabon

Diku talare jitka.r hoyok'

Delabon nitge jotoko logon

Tayomsec' do alobon koyog.

Sa~ota reak' bha.la.i redo

Jua.nkor.ako lahak' mabon

Abo geco ho a.yur kodo

Somaj sagar. happen lagayabon.

Nitge okte babon bilom

Ar ban' khan bon bhagao ocok'

Ekrar.abon doho sa~ota nia.m

Tisge ona khon babon pacok'.

Mit't.en Gadha Ar Toyo Kin Rapt.a Ra.pt.ik'kan

Mit't.en Gadha ar Toyo bogete bir-gajar. bhitrirekin rapt.a ra.pt.ik' kana. Gadha doe menet' kana gha~s do sasan'gea. Ar Toyo doe menet' kana ban' gha~s do ha.ria.r.gea. Ado tinre rapt.a ra.pt.itekin lan'gayena, Unre birren Raj Ta.rup' t.henkin sa-calaoena. Ado a.kin talare rapt.a ra.pt.i reak' karontet'kin la.i ja.hiradea. Ado Ta.rup' do unkinak' sanamak' kathae an'jomket'ta.kina.

Khange unkinak' katha lekate got.akeda. Metak'me Toyo do mit' cando la.git' ka.d or.ak're dohokedea. Ar onkage uni Gadha doe khalas kadea. Khan Toyo do Ta.rup'-e kuklikedea, no~k'o~e nonka hok bica.rtam? Gha~s do cet' ban' ha.ria.ra? Ta.rup'e ror. rua.r.keda, he~ ha.ria.r.gea. Sanamkobon bad.aea gha~s do ha.ria.r.gea. Noa kha.tirte ka.d or.ak'ren' dohoket'mea, cedak'je bad.aekate reho~ Gadha sa~oem ra.pt.a ra.pt.i akana.

Sikha.unia.: Ne.be.tar jugre nonkage adom adom hor.ko a.ur.iak'teko rapt.a ra.pt.i kana. Ente onkan hor. menak'koa, okoeak' sa.ria.k'tet'em bad.ae. Menkhan nonkan hor.ko sa~oem rapt.a ra.pt.ilenkan cetat'tege acak' bhul o.ho.gey an'goc'kea. Menkhan

thor.a Gadha lekan hor. ho~ menak' bar.akogea, ban' ganok' kathako
ror.a. Onkan hor.koak' kathako tisge alom hetaowak'a. End.ekhanem
jita.uk' arem bhagao ocok'. Noa do alom moneak'a.

Disomre Ko_ro_na Rog Arho~ D.herok' Kana

Disomre ko_ro_na rog do arho~ ba.i ba.ite d.her sec'ge mohnd.a akana.
Ente ko_ro_na rogte ja.bun akan hor.koak' gujuk' son'kha ho~ din dinte
d.herok' kana. Menkhan noako dinre sikhna.t t.hao~nako bond dohoe
la.git' jahan hudis-cinta. ba.nuk'anan' mente sikhna.t Montri Dipu
Moni doe bad.ae ocokeda. Arho~e menkeda je, Disomre korona t.ika.ko
calao idik'kana. Nit dha.bic'te aema hor.ge booster doge ko hatao
akat'a. Menkhan korona rog do arho~ d.her akana. Bad.aekak'abon je,
sanamko arho~ mask horok' la.git'bo neho~r oco akana. Onkaleka
sikhna.t t.ha~onakore ho~ mask horok' se beohar la.git'te la.i
sad.eakana.

Noa lahare Sastho Montri Zahed Malek-e bad.ae ocoakada, 12 khon cetan
umeran d.her pa.t.hua. gidra.ko ko_ro_na t.ika.ko hatao akada.
End.ekhan nit 12 khon latar umeren pa.t.hua. gidra.ko ho~ t.ika.
tabere a.guko la.git'te hudis cinta. calak' kana. Noa umerren gidra.ko
t.ika. tabereko hec'len khan sikhna.t t.ha~onako ardo ban' bondok'a.
Enreho~ ko_ro_na rog a.d.ige cha.pla.ulen khan tayomte sikhna.t
t.ha~onako reak' beboatha hataowak'a.

Eken pa.t.hua. gidra.ko do ban' sanamko sontor tahe~n
ja.rur.kantabona. Onate dela sanamko maskbon beohara ar sanam lekan
a.nkobon manao-ganaoma. End.ekhan niropon hor.mo taha~enre jahan
muskil ban' hoyok'tabona honan'.